






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1408 4° copy 3






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1408 4° copy 3



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1408 4° copy 3



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1408 4° copy 3

35-145

40

*Pauline's Notebook 1408 (manuscript & title)
Pauline's Notebook 1408 No. 249*

DA BOX




LN 1408

ex. 3



Very H. H. Hansen.



28
81,

DE CORONATIONE,
ET DE LAVDE,
POTENTISSIMI
PRINCIPIS: DOMINI
CHRISTIANI

QUARTI:

REGIS DANIAE, NORVEGIAE,
VANDALORVM ET GOTHORVM: DV-
cis Slesvicj, Holsatiae, Stormariae & Dit-
mariae: Comit is Oldenburgi &
Delmenhor-
stij.

CARMINA
IOANNIS SADOLINI
P. L. DANI.



HAFNIAE,
IMPRESSIT LAURENTIVS
BENEDICTVS.



Christianus Quartus, ætatis

sua Anno 20. Coronatur, & in Regem con-
secratur, A. D. 1596. Die

29. Augustj.

* *

PROLOGVS.


REGI Potenti, Patriæ dulcissimæ,
Sanctosq; Regni *DANIÆ* Senatuj;
Fidis amicis, & modestis cœtibus,
Qui proluunt se fonte Pegaseio,
Hortisve ludunt floridis Libethridæm:
DEO iuvante, & Gratj̃s faventibus,
Isthæc Poëta consecravît carmina.
Quæ *CHRISTIANO FRISIO* clarissimo:
Vatum Patrono, candidisq; cordibus,
Sunt visa digna comprobari ab omnibus,
Qui *DANIÆ* non invident suum decus:
REGIS benignj nec resistunt laudibus,
Id indicandum, judicamus liberè,
Ne Momus erret in suis calumnijs:
Néu' garricndo se fatiget Zoilus.



Kay Høegs Samling

1970

REGNA TOTENS FIRMAT TIETAS REGEMOVE TVETVR.



DE CORONATIONE

OPTIMI, FORTISSIMI, SERENISSI

MI DANORVM, POPVLORVMQVE

BOREALIVM, REGIS:

D: CHRISTIANI

QVARTI.

CARMEN

IOANNIS SADOLINI

P. L. DANL.

Plerides Musæ, magni IOVIS atq; fidelis
Mnemosynes Natæ: si vos iuuenilibus annis
Pectore sincero colui, tandemq; virilj
Vos ætate sequens adamaui, dicite carmen
Non modò incundum, sed & vtile: namq; laboro
Delectare animos, simul & prodesse docendo,
Dùm patriæ decoro laudes, & Regis honores.

At veteres, forsan, retinetis mente dolores
Ob casum Diui FRIDERICI, REGIS amatj
Fatalem? siquidem, REX ille benignus, & omni
Effulgens pietate, DEO & mortalibus aqvis

A. 2

(Dum

DE CORONATIONE

(Dum vixit) sublimis erat, cunctisq. probandus
 Religione, fide, pacto, dulcedine morum,
 Alloquio miti, donis, & qualibet arte
 Quà potuit pressos miseranda clade lenare
 Ciues, aut alios venientes Orbe remoto:
 Tantum pondus habet Regali in pectore Virtus.

Vos etiam, ô Nymphæ, patrio complexus amore,
 Vestros cognouit cantus, vestrumq. Poëtam
 Ornauit lauro, titulis, insignibus, auro,
 Quamuis inuitum, nec munera tanta petentem,
 Sicut nouistis: Facti monumenta peracti
 Non rapidus Boreas, non turbidus auferet Auster,
 Non tempus, non flamma vorax, non dira procella
 Irati pelagi, non vis damnanda Barathrj.
 Candida nam Regum decorat DEVS optimus acta,
 Fama nec Heroum tenues vanescit in auras.
 Et, superi si sunt, si Diuûm æterna potestas,
 Post gelidam viuit mortem sanctissima Virtus.
 Nec pietatis honos mendaci voce malorum
 Opprimitur, quanquàm premitur quandoq. superbij
 Dæmonis afflatu, Stygiq. furore Tyrannj.

Mens igitur Diui FRIDERICI gaudet Olympo,
 Nobilior gemmis, Arabum preciosior auro,
 Splendidior stellis rutilant quæ nocte serenâ
 Sydera maiori superantes luce minora:
 Regis enim sancti vincit mens cuncta nitore.

Post

Post obitum tanti REGIS, virtute vigentes,
 Bis bini Proceres, viduati munia Regni
 Curantes, ampli iuxta decreta Senatus,
 Cuncta gubernabant, & singula, Iure decenti :
 Donec legitimos ætatis tangeret annos,
 Ac aptus Regno fieret pulcerrimus Heros,
 Quem Pater elegit viuens, totusq. Senatus,
 Et populus, REGEM, Patris post fata futurum :
 Quem penès in Regno staret suprema potestas
 Auxiliante DEO, qui Regna & donat & aufert
 Regibus, & mira firmat ratione Monarchas,
 Quorum mens recta est, & plenum numine pectus.
 Ergò multorum cessat dominatio : quippè
 Sol Cælo est vnus, REX Regno fulgeat vnus,
 Fortis & egregius, populi qui commoda quærat
 Tempore tam belli, quàm lætæ tempore pacis :
 Consilijsq. bonis animum præbere benignum
 Nôrit, & à falsis auertere vocibus aures.
 Nam consultores varios fert inclyta tellus,
 Tellus prudentium & fatuorum sedula nutrix.
 Sicut enim omnigenas profert amplissimus hortus
 Herbarum stirpes, quàm gratas, tamq. nocentes :
 Sic terrarum Orbis mortales gignit amica,
 Hos linguâ celebres, illos tetri oris hiatu
 Spirantes fædam vafri Cacodæmonis auram.
 Nam rarus Pylades, & Iônatha rarior illo est :

A 3

Therfi

DE CORONATIONE

*Iherosites passim, passim grauis instat Iudas:
Quod nouisse salus populi est, & gloria Regum,
Qui florere volunt & honestum ducere nomen.*

*Ista equidem monuisse sat est: Iam cepta sequamur
Propositi nostri: nec longa ambage moremur.*

*CHRISTIANVS Quartus, FRIDERICO REGE parente,
Matreque Regina SOPHIA, satus inclytus Heros,
Regia sceptris sibi Patrum decreto, & honesto
Consensu Procerum, populiq; fauore potentis,
Sumit: Et ingenij varijs virtutibus edit
Argumenta boni: Nam dicta & splendida facta
Magnorum produnt animos & pectora Regum,
Nobiliumq; virum: stimulos quibus æmula Virtus
Addit, vt Herculeas conentur vincere laudes,
Si superi non impedian, nec fata resistent.*

*Euge potens Princeps, REX euge, virentibus annis
Crescens: namq; tibi nascenti fulgida Cælo
Sydera riserunt, ipsa admirante Minerva,
Vraniam placidis quæ claram amplectitur vlnis
Præ reliquis Nymphis, licet omnes ore modesto
Emineant, omnesq; DEI bonitate fruantur:
Et dulci ambrosia, & cælesti nectare viuant.*

*Fulminei Martis cedens è sede diurna,
Principium Tauri radioso lumine Phæbus
Lustrabat rutilans: Aries dux præuius ibat
Raptus in occasum, vasti comitante Nepote*

Facuna

*Facundo Atlantis: sublimem clara fovebat
 Virgo Iouem: Gemini Martem Veneremq; videbant
 Complexu iunctos facili: Tellure sub ima
 Saturnum Dominum proprium Capricornus, at ipsam
 Fusor aquæ Lunam Reginam noctis habebat.*

*Quæ tibi fatidicæ tunc prædixere sorores,
 O REX, Dij nōrunt: quædamq; docere periti
 Possunt Astrologj: quos DANIA nostra benigno
 Iam fonet amplexu, claros & diuite magni
 Ingenij cultu, & censurâ mentis acuti,
 Et calamo arguto: sed cuncta recludere vulgo
 Non decet ignauo, quæ sunt secreta tacenda.
 Vulgus enim ratione caret, nec indicat apte
 De dictis Vatum: tanta est dementia plebis.
 Sed quicumq; sapis, monitus nec spernis amicos,
 Consilio recto sequitor quæ sydera spondent
 Mota DEI arbitrio: nam non temerè astra nitescent,
 Nec cæco stellæ ductu surguntve caduntve:
 De rebus siquidem sua dant documenta futuris,
 Præcipue, vt fati dubijs occurrere discas
 Pectore prudenti: siquidem prudentia seruat
 Reges & populos, vaga ne fortuna resistat
 Egregijs hominum studijs, curisq; Thaliæ
 Eximijs, quibus ornatur Respublica quæuis.
 Hos mihi ludenti versus, arrisit Apollo
 Horto in FRISIACO, quem celsis ædibus, atq;*

Orna.

DE CORONATIONE

Ornatum arboribus lætis videt Hafnia nostra:
 Hafnia dives opum, Regalis & Hafnia sedes,
 Est vbi Piëridum domus, & domus alta Minervæ,
 Quam Reges quondam decorârunt sumptibus amplis:
 Quam quoq; IOANNIS FRISI suprema voluntas
 Munere perpetuo decorat, post fata, quotannis.

Dum loquor, auditur sonitus clangore tubarum
 Clarus, & ingeminat sonitum resonabilis Echo:
 Tympana mota sonant argentea: mœnibus altis
 Vis tormentorum sistens, volitantia mittit
 Pondera, sulphureis incenso pulvere flammis:
 Vnde fit, vt ruptis, valido ceu turbine, claustris,
 Non secûs ac cœlo, metuenda tonitrua surgant.

Persimili pompa Iunonem in nubibus ardens
 Iuppiter accedit: Diui Diuæq; potentem
 Mirantur REGEM, Maiestatemq; verentur:
 Nec tamen insulso, stultove timore, fatiscunt.
 REX etenim constans, clemens, prudens, & amicus,
 Non terrere suos gaudet, sed amare laborat:
 Obsequiumq; suo REGI præstare clientes
 Debent egregij, qui subsunt legibus æquis,
 Mandatumq; DEI syncerâ mente sequuntur.

Et nunc tempus adest, quo dulci Dania plausu
 Insurgit: nunc vrbs, caput huius amabile Regni
 Hafnia suscepit varijs regionibus ortos
 Insignes Dominos: alio quos tempore dicam,

Si

*Si Fortuna volet. iam compita cuncta replentur
 Principibus, Ducibus, satrapis, Equitumq. cateruis,
 Et peditum turmis, ac Oratoribus amplis
 Quos alij Reges misere, vrbesq. remotæ
 Finibus à nostris. Honor hic debetur amico
 Danorum Regi, Regi qui seruit Olympj.*

*Iamq. bonis optata animis & cordibus æquis
 Lux oritur, quâ Rex electus lege Deorum,
 Et decreto hominum, sumet moderamina Regij,
 Quod Pater excellens, & Auus generosus, & ardens
 Pacis amore pio Proauus, fulgensq. benigna
 Rerum sorte Abauus, manibus tenuere decoris
 Omnia iusticiâ tutantes, omnia jure,
 Quod decet insignes Reges, æquosq. Monarchas.*

*More duces veteri cœunt in fœdera: Regnū
 Apparent Proceres: Satraparum nobilis ordo
 Ordine se monstrat digno: Nomina tuentur
 Legitimatione loci, quicumq. nitescent
 Hoc cœtu eximio. Felix ô DANIA, felix,
 Quæ tot Nobilium mater generosa vocaris,
 Nactaq. tam celebrem Regem, florere vigente
 Clara statu possis, & plurima vincere Regna
 Conditione tua, & tranquillam degere vitam,
 Arbitrio defensa DEI, qui maximus est Rex
 Et Regum Dominus prudens, & mitis amicus
 Illorum, quibus est cordi cognoscere CHRISTVM:*

B

Chri.

DE CORONATIONE

CHRISTV Senim Regum lux est, & vita perennis
Dilecti populj. Quis tali munere munus
Optarit majus meliusve, fauente benigna
Mortalis turbæ Natura, ritè nouata
Lumine diuini verbi, Fideiq; nitore
Viifico rectæ? Nunc autem cætera dicam,
Dicere quæ tempus monet & pulcerrima pompa.

Ergò vbi signa tubis dantur resonantibus, omnes
Procedunt Equites, argento auroq; decori,
Et bysso ornati, plumisq; volantibus, atq;
Muniti gladijs, armisq; minoribus, omnes:
Omnes conspicii preciso tegmine rerum
Quas præsens luxus, quas præsens pompa requirit,
Inuecti pulcris, populo spectante, caballis.
Illustres Comites Ducibus iunguntur honestis
Principibusq; viris, quos aut Germania misit,
Aut aliæ Mundi partes (quis dicere possit
Carmine tam paruo cunctos?) terræq; remotæ.
Terrarum Domini cernuntur in agmine tanto,
Magnanimiq; Duces, Regali sanguine natj.
Brandenburgiacus Princeps, qui Marchio fertur:
Et nitidæ Bremæ præclarus Episcopus, atq;
Holsatiæ Princeps: Regisq; potentis amicj
Fratres, & Patruus fidus, Regniq; Senatus.

Inter at hos omnes, densa stipante caterua,
Insigni sublimis Equo, decoratus & Ostro,

Ecce,

*Ecce, coronandus REX tendit ad ardua templa,
 Facturus pia vota DEO, de more vetusto
 Gentis honoratæ. Pietas ea splendida firmat
 Reges ac Populos, & belli & tempore Pacis.*

*Ante ipsum Regem Regalia signa ferebant
 Quattuor egregij Proceres, virtute micantes,
 Munere fortunæ dites, & honore potentes,
 Inuerti ornatis auro byssoq; caballis.*

*VOLCHENDORPHORVM veteri de sanguine natus,
 Compositam tenuit gemmis auroq; CORONAM:
 FRISORVM exoriens è stemmate nobilis Heros,
 SCEPTRVM habuit mira fabricatum lege Deorum:
 Stirpe satus celebri MVNCHORVM fortis alumnus,
 ENSEM sustinuit Vulcano & Marte politum:
 Magnanimus Dominus clara de gente BRAHORVM
 POMVM auro fulgens dextrâ monstravit honesta.*

*Dulce erat Heroas tales tantosq; videre
 Agmine pomposo felicem ducere REGEM
 Ad sacra templa DEI. Lux ô memoranda Poëtis.
 Insonuere tubæ (velut antè) sonumq; dedere
 Tympana festinum: præcedens Musica turba
 Edidit harmonicos concentus auribus aptos
 Emunctis, quos & laudans Tritonia Pallas
 Sapius audiri iussit, repetiq; frequenter.*

*Ponè sequebatur Mater generosa SOPHIA
 Fortuna gaudens Nati: sedet illa venustis*

DE CORONATIONE

*Iuncta suis Nymphis, aurato splendida curru.
Curribus auratis Nymphæ mox inde sequuntur,
Ingenio, forma, stirpe & dulcedine morum
Illustres, clari quas progenuere parentes.
Hic Danaë, Europe, Thetys, Hespione atq; Diana
Esse videbantur: tanto viguere nitore
Matronæ & Nymphæ, Charitum flos atq; propago.*

*Hic aliquis præsens, non prorsus mente retorta
Corneus, aut stupido voluens sub pectore plumbum,
Diceret: Esto Venus procul hinc: retinere memento
Et Cypron, atq; Paphon, Gnydon, & tua cætera regna.
Mille etenim Veneres dabit Hafnia, mille Minervas.
Danorum cunctas si quis modò cerneret Vrbes,
Tale verecundo verbum depromeret ore.
O felix Regnum: Iuvenes tu gignis honestos,
Ac fortes Equites, & Ciues pectore claros:
Et quot Hamadryadum flores generantur in horto,
DANIA tot bellas dat fortunata puellas,
Quæ Lunæ lumen superant & Solis acumen,
Si tamen æthereis fas est componere rebus
Res hominum: quid non? Hominis pars altera, mens est
Lumine præcedens diuino quælibet astra.*

*Innumeri pedites, etiam alto stemmate natj,
Ante Equites & post prodibant agmine longo,
Ordine sed pulcro: gemmis radiantibus omnes,
Demissisq; togis, purisq; monilibus aurj*

Egre

Egregiè ornati. Quòd si non candida nossent
 Pectora amicorum, jurarem protinus ipse.
 Æthereas nostris stellas incedere terris,
 Terrestrésue deos Ioniali luce micare.

Hanc equidem vellem pompam describeret autor
 CRAGIVS Historicæ fidei, Iurisq. peritus
 Doctor, & Aönia multum versatus in arte:
 Vir clarus, Virtute potens, & noster amicus.
 Cuius si similes centum donaret Apollo,
 Patria fulgeret majori nostra nitore.
 Sed sua non vna diffundit Iuppiter vrna
 Munera: nec cuncti, quæ sunt bona, scire laborant:
 Sapè etenim interpres malus, optima quæq. reuellit:
 Quod quicunq. videt, sapit ille, nec inuidet vlli.

Missæ sed hæc sunt: siquidem subit aurea templa
 Pectoris excelsi Rex, & fortissimus Heros
 CHRISTIANVS tali vocitatus nomine Quartus
 A CHRISTO & IANO. Nam Christus nobile sydus
 Humanæ est vitæ: lepidò paradigmate lanus.
 Admonet vt bello transacto, dulcia Pacis
 Fædera firmemus: nam finem martis honestum
 Legetimi Pax ipsa petit, desiderat, optat.
 Pax legum genitrix; Pax Relligionis amica:
 Pax, quæ laurigeras releuat miserata Camænas,
 Quas Bellona ferox & squalida turbat Erynnis
 Nullo respectu Phæbi, nullòue Mineræ.

DE CORONATIONE

Intuitu docta. Sic pessima sepè resistunt
Monstra bonis genijs, quos vis tamen inclyta Pacis,
Auxiliante DEO, diuino extollit honore.
Fœdere propterea Pacis FRIDERICVS ab ipso
Deduxit nomen: sibi qui sapienter & aptè
Reginam SOPHIAM (sapientia dicta Latinis
Hæc est) felicitis thalami sociavit amore.
Vnde suum ducit REX illustrissimus ortum
CHRISTIANVS Quartus, pius, ingeniosus, honestus,
Pacificus, prudens, fortis. Quia nomen & omen
Concurrunt, niueum Regis monstrantia pectus.
Sed quid nunc agitur? sacra quid in Æde paratur?
Musica dulcisonos templo dant Organa cantus,
Artificis docti digitis pulsata peritis.
Cantores (Claræ quos erudière puellæ)
Magni & maiores, parui simul atq; minores,
Harmonico factas blando modulamine voces
Edunt, & miro concentu pectora mulcent
Præclarorum hominum, quos huc ea pompa vocauit.
Petrus Vinstrupius Doctor Præsulq; fidelis
DANORVM in Regno, sacras stans pronus ad aras
Vota precesq; DEO soluit: benedicit & ipsi
Regi, qui noua Sceptra capit, regimenq; futurum.
Ad latera altaris gemini Superintendentes,
Vt nunc ætatis nostræ pro more vocantur,
Enituère: vnus, Scanorum est missus ab oris

Ma.

Magnus ut ingenio, sic dictus nomine Magnus.
 Alter Iacobus Fyonum regione profectus,
 Ambo animo claro, niueæ Pietatis & ambo
 Munere præstantes: tantum valet ampla nitentis
 Gloria Calliopes, tantum Virtutis honores.

Horum in conspectu radiabat Regia sedes
 Principis ornandi: REX auro pulcher & Ostro,
 Et sancti vultus speciosa luce, nitebat.

Non procul hinc Regis mater, diuina SOPHIA
 Enituit: Natum quæ contemplata potentem
 Firmari patrio solio, pia vota peregit
 Pectore sub tacito, Christi quæ probauit amorem.
 Hic etiam Regis fratres, bellæ quæ sorores,
 Conspecti, veluti stellæ micuere rubentes.
 Principibus, Ducibus, legatis, atque modestis
 Nobilibus, dignus locus assignatus, habebat
 Magnificos Dominos. Proceres, Regni quæ Senatus
 Mirifico ornabant structum bene lumine templum.

Vinstrupius verò, ceu summus Episcopus, ardens
 Zelo & amore DEI, scripturæ dogmata læta
 Diuinæ exposuit, cætum templatus amicum
 Nobilium Procerum. Documenta salubria promsit,
 Hortatus cunctos ad Religionis amorem
 Rectè tutandum. Depinxit munia Regum,
 Officium quæ viri, cui contigit alta potestas
 Vrbes, & populos, & castra, forum quæ regendj

Iure

DE CORONATIONE

iure & iusticia, veluti *DEVS* imperat ipse.

Non popularis erat sermo, non fabula vana,
Pectoris ignavi: siquidem vir amabilis ille,
Ore verecundo felix, & voce disertus,
Eloquio grandi deprompsit verba Latina,
Ad Regem atq; Duces, procuresq; Virosq; peritos
Romane lingue. Tum demum Numine dante,
Multiplici patriam decoravit lumine linguam,
Floribus & multis, Danorum more loquutus,
Non secus ac Nestor Græcè, Cicerove Latine,
Quorum deducta est oratio, fluminis instar,
Quod non per salebras sed molli labitur vnda:
Quos ambos vnus sequitur ratione loquendj.
Callet enim linguam Latiam, linguamq; Pelasgam,
Nec non Ebraeam: qua pulcra lege trilinguis
Dicitur, & doctus ter magna mente tripektor:
Tantum nobilior quam Geryon iste tricorpor,
Quantum mens sapiens valido præ corpore pollet.

O quales, quantosq; viros industria reddit,
Multos cum iuuenes demens ignauia perdit.
Ille sacer Præsul, sancto mandante Senatu,
Accepta ex arâ, Regi Regalia signa
Protulit, ac ipsum dictis compellat amicis:

Optime Rex, cui Rex excelsi summus Olympi
Contulit exortum, fortunam, stemmata, nomen,
Ingenium, mentem, doctrinam, robur, amicos,

Et

Et bona cuncta, bonis quæ Regibus apta videntur.
 Ille tibi clemens, tam clara insignia donat,
 Ut præsis pro sisq; æquo moderamine legum
 Regnis & populis: fragranti hic vngvine Regem
 Te modò constituit molitum: Candida Virtus
 Et pietas animi, tua sit fragrantia: quippè
 Virtus & Pietas summa est opulentia Regum,
 Cunctorumq; hominum, sine qua fit nemo beatus.
 Hæc autem gaza est fidei dulcissima merces,
 Fructus & eximius nullo periturus in ævo.
 Ergò tuo capiti, datur hæc, REX magne, CORONA
 Obryzo fulgens auro, gemmisq; venusta
 Diuersis. claro niteat tua dextera SCEPTRO:
 Auro conspicuum teneat manus altera POMVM
 Eximij referens Regni formam atq; figuram:
 ENSIS adaptatus lateri perterreat hostes,
 Sitq; bonis animis tanquam defensio læta
 Turbas aduersus reprobas, hominesq; feroces,
 Optata ut felix Ecclesia pace fruatur,
 Floreat & placida, Respublica nostra, quiete.

Hæc ait: intentos oculos, atq; ora tenebant
 In Regem Heroës: qui grati lumine vultus,
 Visus erat lucem radiantis vincere Phæbj.
 Antistes verò tensis ad sidera palmis,
 Talia fundebat deuoto pectore verba.

C

ODEVS

DE CORONATIONE

O DEVS, ò Cæli, terræ, pelagiq̃ creator:
 Spirituum Princeps, hominum Pater, optime Regum
 Fautor & ornator: rege nostri pectora Regis
 Consilij ratione tui, regat vt sua Regna
 Legibus atq̃ fide recta, miserosq̃ benignè
 Erigat, & viduas tueatur iure potenti,
 Pupillosq̃ inuuet paruos, reprimatq̃ rebelles,
 Iniustosq̃ viros, qui fraude, doloq̃ modestos
 Perturbant homines, & vi grassantur iniqua.
 Dulcia pacifico clementer tempora Regj
 Quæsumus extendas, vt bella cruenta fatiscant
 Pace vigente bona. Sacra templa, scholæq̃ nitescant:
 Increseatq̃ tuo, plebs & Respublica ductu:
 Ordinibus cunctis adsit tua gratia: nec nos
 Impediat veteris vis insidiosa Draconis.
 REX verò noster, te prospiciente, nitescat
 Saluus & incolumis, per plurima tempora vitæ:
 Totaq̃ Progenies, & Regum pulcra propago,
 Tuta sit, & Regem veneretur, ametq̃ potentem:
 Sic Pater omnipotens cum Nato & Flamine sancto
 Vnus & æternus DEVS, & ter maximus idem,
 Tantis pro meritis laudaberis omne per æuum.

Plura equidem in templo tunc dicta & facta fuere,
 Quæ me prætereunt: memori nec pectore cunctj
 Cuncta tenent: Omnes nec donat Iuppiter artes
 Omnibus. Hic felix Orator clara diserto

Ore

Ore sonat Regum & populorum gesta : sed ille
 Ætherei excelsi repletus lumine Phæbi,
 Hæc eadem pandens sublimia carmina fundit,
 Grata DEO, pergrata Viris : me Musa locavit
 Non inter summos, minimos non inter alumnos
 Palladis auricomæ : medium statuere Camænæ,
 Ut patriæ laudes cantarem voce modesta :
 Eximiosq; noui decorarem REGIS honores,
 Quo poteram pacto : nec enim maiora requiro,
 Conditione mea contentus, & omnibus æquus,
 Nullum contemnens, homini non inuidus ulli,
 Inuidulos quamuis multos hæc proferat ætas.

Finitis sacris ubi concio læta soluta est,
 Harmonicosq; sonos cantores ritè dedissent
 Diuersis vocum modulis : tunc ære cauato
 Signa dedere Viri, sistrisq; tubisq; micantes :
 Turba frequens hominum gaudent hoc REGIS honore.

Præcedunt pedites (velut antè) Equitesq; potentes,
 Læto animo, cultu festiuo, atq; ordine pulcro
 Cernendi : Cunctos inter celeberrimus Heros
 Heroas, REX vectus Equo generoso & alacri,
 Splendidus apparet SCEPTRO & Diademate : Solem
 Vincere visus erat radiosq; lumine vultus,
 Vestibus auratis, diuinæ munere formæ,
 Formosis oculis, aspectu grato & amico.
 Quattuor Heroës Regni, virtute potentes,

DE CORONATIONE

Gestabant totidem tornatas arte columnas,
In quarum (visu incundum) parte suprema
Tegmen erat puro pansum radiante metallo.
Tegmine sub tali, REX pingua dorsa caballi
Pressit fortis Eques: studio qui fulget equestri
Bellorophonte prior, maior quoq. germine Lædæ.

Marchio, Bremensis, procures, dominiq. sequuntur,
Magnanimiq. Duces: Regniq. Senatus, & alta
Nobilium nati juvenes è stirpe Parentum.

Quanta Ducum series? quàm nobilis ordo virorum?
Quos Phæbus, quos Pallas amat, quos pulcra Diana.
Hic ego CHRISTIANVM Frisorum stemmate natum,
Et LINDENNOVIUM celebri de gente IOANNEM
Conspiciens, tacito voluebam dulcia corde
Gaudia: & ad Cæli conuexum lumina tollens
Paucula verba dedi, Numenq. in vota vocauj.

Summe DEVS, Vatum miserorum prouide fautor,
Afflictos qui mitis amas, releuasq. iacentes,
Et mœrore graui cumulos: hæc mea vota
Suscipe: & has animas caras, dulces & amicos
Custodi incolumes, multosq. tuere per annos.
Nam fera tempestas, vbi me turbasset & ira
Horrendi pelagi, rupta rate, protinus illi
Porrexere manus inopi, prorsusq. relicto,
Auxiliatrices, & opem præstabat vterq.:
Vt bonus Alcinous miserandum iuuat Vlyssens

lactas

lactatum maris infidi crudelibus undis.
Pro quibus officijs, DEVS ô ter maxime, claros
Hos orna procures, multis & honoribus auge,
Vt miseris porrò mortalibus auxilio sint,
Quos premit ira feri Saturni, diræve Martis
Indomiti rabies, Venerisve dolosa potestas,
Neptuniq; furor violentus. Quippè probatos
Error sepè viros fallit: sed crimina turbæ
Señtantur reprobæ: non est tamen exitus idem.
Error habet veniam: comitantur crimina pœnæ,
Ni fiat prudens fatuæ correctio culpæ.
Nam nisi me fallit rectæ sententia mentis,
Rebus in aduersis, melior confessio sancta est,
Quàm florente statu rerum, turgere superbo
Pectore: Nanq; DEVS fastum condemnat inanem,
Et iuuat afflictos animos, mentesq; modestas.

Sic ego, sed tacitus, ne quis mea dicta notaret,
Inq; malam partem torqueret candida verba.
Nam multis est lingua procax, & pectus iniquum:
Et pauci gaudent hominum virtute piorum.
Adde quòd & fatuos reputat gens stulta Poëtas,
Quos tamen antiqui Reges habuere in honore,
Eximijq; Duces, quando aurea secla fuerunt.

Ergò vecti Equites, Pedites juere decentj
Ornatu insignes, gemmisq; auroq; nitentes.
Et REGINA decens, mater castissima REGIS,

DE CORONATIONE

Ceptum carpit iter, curru sublimis operto,
Sic tamen ut populo posset spectante videri.
Quam Nymphæ comitabantur, celebresq; Napææ.
Hanc si progeniem nescires germine natam
Humano, certò reputares curribus altis
Sidera clara vehi, cælo delapsa sereno:
Tanta etenim nitidis rutilabat gratia Nymphis,
Tantus honos formæ: maior tamen omnibus una
Pectore, fortuna, vultu, Regina SOPHIA.

Hæc SOPHIA est, cui se fœcunda Lolandia subdit,
Quamq; suam Dominam celeberrima FALSTRIA dicit,
Vtraq; diues opum, pecorum, sylvarum & agrorum
Insula: quas ambas, vrbes, pagi, frequentes,
Atq; arces decorant, ciuesq;, boniq; coloni,
Ac alij quos aut genus, aut doctissima Pallas
Reddidit illustres, celsoq; in honore locauit.

Ista ego quid refero? quia REGIS gloria magna est
Cernere dilectam genitricem, munere Diuum
Felicem: matris generosæ maxima laus est,
Progenuisse bonam sobolem & virtutis amantem:
Et decus est Regni Concordia leta potentum,
Cum contrà perdat multos Discordia, quorum
Instabilis mens est, & cordis praua voluntas.
Quæ mala dum reprimunt Heroës pectore fortij,
Pax oritur prudens, Pietasq; refulget amica,
Grata DEO, incunda viris, accepta Camænis.

REX

REX ubi munitam nunc peruenisset in arcem
Principibus, Ducibusq̃, suis & iunctis amicis,
Confestim incenso proficiscens puluere flamma,
Pondera multorum crepitantia tormentorum
Expulit, effecitq̃, sonos mira arte tonantes,
Vt tonat æthereos emittens Iuppiter ignes.

REX verò illustris, positus iusto ordine mensis,
Exceptos socios dapibus, vinoq̃, refecit.
Inter erat Regis mater generosa, & honestæ
Nobilium vxores, & Nymphae sanguine iunctæ
Daniadum REGI, & multi, multaq̃, potentes,
Quos omnes DEVS ipse suo sub pectore claudit.

Tendebant Equites ad diuersoria nota,
Hospitiumq̃, suum Pedites petiere per urbem
Passim dispersi. REX præbuit omnibus ipse
Regales escas, præclaraq̃, dona Lyæ.
Néve quis aut esca, pauper, potuue careret,
Claro sub Cælo datus est cibus, & data vina,
Qualia Francigenæ mittunt, aut accola Rheni:
Ergò foro Ammagrio fons est magna arte paratus,
Per cuius venas Bacchi fluxere liquores
Prædulces sapidi: quibus extinxere cateruæ
Communes, linguae affectus sitientis iniquos.
Et quia fons pulcris formis splendebat, & auro
Illitus insigni stabat, pellexit ut haustus
Ingentes pleno plebs Bacchica summeret ore.

Non

DE CORONATIONE

Non procul hinc, dapibus constructa culina coquendis,
Visa erat: hic pinguis nutrito corpore taurus
Maectatus, leporum, abris, volucrumq, repletus
(Aluo deiecta ac extis) fuit assus, & arte
Conditus varia: Qui verò præfuit assæ,
Archimagyrus erat: sed cætera turba, ministrj.
Pars in frusta secant assati terga iuuençj,
Pars populo apponunt, & dulcia fercula promunt
Ignotis, notisq, viris discrimine nullo.
Sunt satiati omnes dapibus, potuq, resectj,
Namq, taberna fuit plena, & fœcunda culina,
Ex quibus ad cunctos, ea copia fluxit egentes,
Et Bacchi & Cereris, largi de munere REGIS.
Lux ea sic abiit, grato celeberrima luxu,
Et strepitu insignj. totam gens læta per urbem
Edidit argutos modulos, psalmosq, venustos:
Tum passim Citharæ, iuncta testudine dulcj
Dulcibus insonuere modis: nec fistula Panos
Defuit Arcadici, nec Apollinis aurea plectra.
Formosi verò iuuenes bellæq, puellæ
DANORVM veterum pro consuetudine prisca,
Et Germanorum, & Gallorum more recepto,
Musarum ad numeros, varias duxere choreas.
Interea doctiq, senes, iuuenesq, modestj
Semoti procul à turbis, parceq, bibentes
Libera mellifluis lenibant pectora verbis,

Inq.

Inq̃ vicem dulci sese sermone fouebant,
 REGIS Danorum recitantes nomen & omen.
 Inclyta Fortunæ quidam sonuere potentis
 Munera, diuitias, & opes, multos & amicos.
 Corporis haud pauci dotes cecinere venustj,
 Robora membrarum, speciosæ fulgida formæ
 Dona, quibus possent homines superiq̃ mouerj.
 Pars bona Virtutes animi, mentemq̃ serenam,
 Iudiciūq̃ bonum, bona ceu Cælestia, laudans
 Extulit ad cælum generosi nomina REGIS.

Talia iactabant omnes & voce polita
 Et sensu arguto, velut assuetudo requirit
 Doctorum Vatum, quibus aspirauit Apollo
 Æthereæ robur mentis, sensumq̃ profundum
 Pectoris, atq̃ animi sinceri lumen acutum.

Ipse ego tunc mota digitis testudine, cantum
 Qualemcūq̃ dedi, fidibusq̃ atq̃ ore, Camænas
 Exercens: verū sententia carminis hæc est.

Summe Pater, cuius moderamine cuncta geruntur
 In cælo, terra, pelago: tibi pectore grates
 Toto ego soluo lubens, quod Danica regna tuerj
 Nunquam desistas. Nam nunc quoq̃ lumine cernens
 Nos æquo, nobis REGEM fortemq̃ bonumq̃
 Donasti, per quem Leges & iura nitecant
 In Regnis, quæ sunt septem subiecta Trionj,
 Circius & Boreas validis vbi viribus instant.

D

Aurea

DE CORONATIONE.

*Aurea sub tali decurrere Principe possunt
Secula : sub tali potis est Pax aurea REGE
Constitui, si tu dederis, DEVS optime, vires,
Fortunamq. bonam, nec candida vota repellas.
Sed pia vota probas DEVS, & das Regibus ortum,
Das incrementum, tua qui sacra iura sequuntur,
Recto teq. colunt animo, studioq. fideli.
Vtq. SENATORES Regni, Patresq. vocati
Consilijs valeant rectis, & cordibus æquis,
Irradia mentes illorum lumine Verbi
O DEVS alme, tui, atq. eterni numine Flatus,
Pace tuere tua Populum : sanctosq. ministros
Puri Euangelij defende : Scholisq. peritos
Musarum artifices, Pater, assignare memento.*

*Sic tua synceris animis laudabimus acta
O Pater omnipotens. Et vox quoq. nostra Nepotes
Erudiet seros, ut te celebrare laborent
Conatu ardenti, qui Regum maximus es REX,
Et Dominus summus Dominantum solus & vnus :
Quo sine, non vllum poterit consistere Regnum,
Non vlli Reges, hominum non vlla potestas.*

*Hunc fidibus cecini lætis & pectore læto
Cantum, inter socios fidos, niueasq. Camænas,
Condecorans gratæ celeberrima sacra die,
Quà data sunt caro, præclara insignia, REGI
Sceptrum, Ensis, Diadema nitens, Pomumq. refulgens*

Aure

*Auro Arabum puro : quod faustum Numina faxint
Ipsi regnanti REGI, populisq̄ regendis.*

*Quod superest autem, dulces curemus amici,
Officium nostrum : Lex hoc diuina requirit :
Nam quid agant homines, monstrabit quælibet ætas :
Nec potis est vlllo tardari tempore Virtus,
Si modo Naturæ ductum, mentemq̄ sequaris.*

*Vota, senum Virtus : Iuuenum laus, ferre labores :
Consilijs, qui sunt mediocri ætate, nitescunt.*

*At regnare piè, rectè, feliciter : illa est
Maxima magnanimi (mibi credite) gloria REGIS.*

*Dùm loquimur, canimus, bibimus, dilabitur hora :
Virgine Cælesti gaudens radiosus Apollo,
Cum sene Falcifero, & cum Marte atq̄ Arcade vafro
(Quos Venus attingens Libram, comitatur,) ad vndas
Hesperias tendunt : iamq̄ illustrare laborant
Antipodum sedes nostrorum. Candida Phœbe
Velleris aurati pecudem tenet, æmula Phœbi
Lumina dans nostris regionibus. aurea tangit,
Iuppiter inuectus post Lunam, Cornua Tauri,
Dans requiem Somni placidam mortalibus ægris.*

*Nunc igitur calamum pono, citharamq̄ recondo :
Lux etenim studijs, nox est tribuenda quieti.
Approperat Somnus. Nos omnes protegat almi
Dextera fida DEI, Dominiq̄ suprema potestas.
Humani generis vigilans Seruator læsu,*

D 2

Protege

DE CORONATIONE.

*Protege Danorum REGEM, Regniq; Senatum,
Egregiosq; homines qui nos tutantur & ornant
Integritate sua, nostrasq; iuuare Camœnas
Non dedignantur. Requiesce Thalia : quiesco.*

FINIS CARMINIS DESCRIPTI
in honorem Regiæ Coronati-
onis.

SEQUITVR ENCOMION SIVE
laus Potentissimi Regis.

* * *



EN.

ENCOMION
SIVE LAVS POTENTIS-
TISSIMI DANIAE, NORVEGIAE, PO-
PYLORVMQVE BOREALIVM, REGIS.
DOMINI CHRISTIANI
QUARTI:

Autore eodem
IOANNE SADO LINO.



Ximias animus praesens fert dicere laudes
Christiani Quartj: quem Regem Dania laudat
Armipotens, amploq; nitens Noruegia ductu,
Et variae gentes, quas Maenalis aspicit vrsa.
CHRISTE iuua, nam tu mihi verus Apollo vocaris:
Tuq; bono REGI cum lano pacis amico
Attribuis Nomen, CHRISTIANVS vt esse fidelis
Possit, & insigni dominari Pace labore.

Huic genitor verus, FRIDERICE Secunde, potentj
Regna manu viuens tenuisti Danica: Sed nunc
Astra tenes, postquam tua mens conscendit Olympum,
Corpoream linquens massam & mortalia membra.

Mater ei felix viuit Regina SOPHIA,
Quae veterum veniens generoso sanguine REGVM
Regi coniuncta est FRIDERICO lege iugalj,
Et generans Natos pulcros Natasq; decentes,
Insignem meruit laudem Nomenq; perenne.

Talibus exortus genitoribus, aurea sceptrum,
Regius hic Heros suscepit & inclyta Regna.

D 3,

Felici

DE LAVDE

*Felici moderanda manu, Legumq; vigore
Æquarum valido, iuxta decreta supremi
Regis qui Cælum, Terram, Pelagusq; tuetur.*

*Pax Patri nomen, titulum Sapiencia Matrj.
Contulit eximia: Concordia iunxit utrunq;
Felici auspicio. Fuit hæc coniunctio Regno
Vtilis, & Populo: nam sæpè subesse videmus
Quandam nominibus vim, quoddam nobile robur.*

*Vnde fit ut natus tam claro Filius ortu
Pacificus, sapiens, clemens, Christoq; dicatus
Emineat: similes nam fructus quælibet arbor
Edit, quod verum docet experientia: quippè
Quisq; suæ sequitur Naturæ semen, ut aiunt.
Quadam igitur cecinit festinus Horatius Oda,
Fortibus atq; bonis fortesq; boniq; creantur:
Est in equis patrum virtus, nitidisq; iuuentis,
Nec generant aquilæ vilem pavidamq; columbam.*

*Hæc ita cùm rectæ rationis comprobet usus,
Esse, quis augurium nostrum reputabit inane?
Nec fieri auspicio CHRISTI quòd REGE creato
CHRISTIANO Quarto Pax & Sapiencia regnet:
Et Pietatis honos nostro consistat in Orbe?*

*Quid memorare iuvat magnos ex ordine Reges,
Ex quibus illustrem duxit REX optimus ortum?
Rem referam paucis: Quod erat genitor FRIDERICVS
Quodq; Avus & Proavus, quod & omnes ordine longo*

Illu.

Illustres Abauī, atq; Atauī, Tritauīq; potentes
Terrarum imperio: mihi nunc hoc esse videtur
CHRISTIANVS *Fridericiades, hoc nomine Quartus,*
Moribus, ingenio, fortuna, corpore, voce,
Et Virtute animi, qua sola vincere cursum
Mortalis vitæ potis est, & quæere famam
Nominis æternam nitidi, titulosq; perennes,
Auxiliante DEO. Siquidem DEVS optimus addit
Regibus hanc laudem, qui sunt pietatis amantes
Iusticiamq; colunt, & mansuetudine gaudent,
Non contemnentes rigidi moderamina luris:
Ius etenim summum sæpè est iniuria summa,
Prudenti ut dicto monuit veneranda vetustas.
Est igitur Virtus Regum, qui stemmate fulgent
Maiorum nitido, Leges & lura tueri
Consilijs rectis, & Numina sancta vereri:
Numina nam si sunt, erit & reuerentia summi
Numinis. Hinc Regum Maiestas clarior exit,
Æquaturq; polo celso, solioq; Deorum
Fulgenti: Virtus equidem non altiùs ibit.

Iam quia Naturam iuuat ingeniosa Camæna,
Et decorat stirpem generosam culta Minerua,
A Patre, REGE pio, Princeps puerilibus annis
Traditus est doctis monitoribus atq; magistris
Formandus: Nec enim labor ille fefellit amicos
Regis honorati: nam Princeps pulcer, & aptus

Inge.

DE LAVDE

Ingenio facili discendis artibus, artes
 Ingenuas didicit, coniungens splendida verba,
 Romani eloquij. Nam dicere more Latino
 Purè & prudenter, REGI pulcerrima laus est,
 Nobilibusq; viris, digno qui stemmate florent,
 Et virtute parj. Latiam contemnere linguam
 Barbarares fertur, non vlllo Principe digna.

Doctus, Iöannes Michaëlius, artibus istis
 Aönidum, & celebris venerando dogmate CHRISTI,
 Ista suo studio perfecit, Flammine sancto
 Fortunante operam, Princeps vt floridus esset
 Cognitione DEI, disciplinaq; bonarum
 Rerum, quas homines mortales quærere norunt
 Solerti ingenio, sanæq; indagine mentis.
 Optime vir, meritas tibi dicet DANIA grates,
 Quod iuuenem varia Regem formaueris arte,
 Moribus & puris ornatum feceris, atq;
 Æternis dignum Musis: qui voce potentj
 Verba diserta sonat, mulcetq; loquendo seneras
 Palladis inuictæ curas, & Regia dicta
 Exprimit argutè synceros inter amicos.

Quòd si nunc Diuus FRIDERICVS cerneret ipsum
 Eximium Natum tantis Virtutibus auctum:
 O quantum caperet diuino pectore præsens,
 Læticie? verùm iam summo gaudet Olympo
 Infra se positas terras, mare, & omnia cernens,

Vtpote

*Vtpote Cœlitibus Diuorum iunctus in aula.
 Nulla ignorabunt tam fortem secula REGEM,
 Tamq̃ pium Dominum: nec enim mors omnia finit.
 Nempè Pater patriæ (dum vixit) floruit vsq̃
 Integer & clemens Pacem veneratus: at hoste
 Insultante, stetit rigidus fulgentibus armis
 Intrepidè assumtis, ad castra forumq̃ paratus
 Fortunæ iuxta cursum, decretaq̃ Diuûm.
 Parce, precor, lacrymas defuncto fundere REGI,
 Quisquis adhuc tepido refoues sub corde dolorem
 Ob Regem amissum. Verum tibi, quippè, fatebor:
 Iam caro & ossa iacent operoso tecta Sepulcro:
 Libera mens fruitur Cœlo, superumq̃ fauore:
 Immensum volitat sublimis Fama per Orbem
 Diuini amplificans titulos & nomina REGIS.*

*Gratia CHRISTE tibi: summo te nempè datore
 CHRISTIANVS Fridericiades viuentis Parente
 REX nouus Electus, Patria iam sede potitus
 In folio Regni magna cum laude nitescit.
 Magnanimi circa Procures, Patresq̃ verendj,
 Atq̃ Equites fulgent, doctorum atq̃ ordo virorum,
 Et Ciues, pariterq̃ omnes qui Iure fruuntur
 Urbibus & Pagis concessis. Dulcis amœnos
 Pax flores spargit. resonat speciosa Thalia
 Omnibus in Triuijs, & honesto Musica cultu
 Insurgens miris concentibus æthera replet.*

E

Matro.

Matronæ eximiæ passim, bellæq; puellæ,
 Et nitidæ Nymphæ iuuenum cum flore bonorum,
 Excercere choros gaudent, & membra mouere
 Festiuo plausu. Nec desunt vina, dapesq;
 Ordine dispositis mensis ac arte paratis.
 Se cuncti exhilarant, nec cuiquam dulcia desunt
 Gaudia: nam quiuis letatur nomine REGIS,
 A Patre diuino qui sceptrâ relicta capeſſit.

Laus tibi magne Deus, tu Regibus addis honorem,
 Tu Reges seruas, tu Regia corda gubernas.
 Iamq; nouum Regem CHRISTIANVM lumine claræ
 Fortunæ decoras, & ei coniungis amicos
 Reges & Dominos Terrarum: tuq; potentem
 Ipsum constituis: nec opes, nec gloria, nec res
 Vlla externa (ipsi quæ commoda) deficit vnquam.

Quid res externas adeò memorabimus? ecce
 Corpore formoso splendet pulcerrimus inter
 Illustres Dominos regnantes Regius Heros
 Christ Ianus Quartus. Christo Duce, tanta venustas,
 Tantum oris decus eximij, tam læta figura
 Frontis honoratæ, tam prorsus viuida forma
 In vultu atq; oculis, & in ipso pectore, & omni
 Corporis aspectu REGI datur. Hac ego parte
 Praxiteles fieri cuperem atq; peritus Apelles,
 Principis vt tanti diuina niteret imago
 Arte mea: sed quis diuinum munus ad vnguem

Sat

Sat dignè exornare potest? non omnibus vnum
 Ingenium, non mens vna est concessa Deorum
 Munere. Doctrinam nouit quam quisq., sequatur,
 Ne, veluti Phaëton, temerè sua robora frangat:
 Quod multi faciunt hoc nostro tempore stultj,
 Qui maiora suis attentant viribus: at me
 Non ea cura premit. Verùm vos pergite Musæ
 Principis ornati latè diffundere laudes.
 Ille suæ genti non vno nomine carus
 Existit: verùm & peregrinis vrbibus atq;
 Gentibus externis, morum ratione, probatur.

Quare Teutonice gentis cùm cerneret vrbes
 Regius hic Heros, Procerum comitante caterua
 Nobilium, celebres sibi conciliauit amicos
 Nomine Virtutis. Iuuenem gens extera REGEM,
 Mirata est digno præstantem corpore, quanquàm
 Vitæ duntaxat ter sex compleuerat annos
 Tempore tunc isto: siquidem nitet ille statura
 Insigni, & miro membrorum robore pollet,
 Luminibus pulcris fulgens, ac ore venusto.
 Tantum robur habet formarum læta figura,
 Et simul excellens præclari gratia vultus.

Nec miror forma REGEM præstare potentj:
 Nam formosus erat Genitor, formosaq; Mater,
 Ambo DEO cari, cari mortalibus ambo:
 A quibus exortus REX hic, Virtutis honorem

E 2

Mori

Moribus ostendit generosis, atq; modesto
Alloquio, & doctæ dulci moderamine linguae.

DANIA iam gaude : celeberrima Dania gaude :
Dania gaude inquam, diuino munere felix :
Munus nosce DEI mirandum. nam quid amico
Principe contingit melius ? quid maius habetur
REGE bono ? clarus qui corpore, clarus & alta
Mente potest alios inter consistere Mundj
Reges, & valida vires ostendere dextra
Aduersus reprobos : Ciuesq; in pace tuerj,
Qui patrias adamant leges, & Numen honorant.

Sic decorat fortem membrorum nobile robur,
Inuictiq; animi laudanda audacia REGEM.
Et venit ex alto decus istud amabile Cælo :
Vtq; ego simpliciter, quæ pectore sentio, dicam,
Corporis & mentis vires sunt dona Deorum.

Ergò vbi pomposo certamina ludicra Circo
Instituunt Equites, diuersaq; prælia ludunt
Hastis & gladijs, Danorum more vetusto :
Tunc REX ante alios vibrat fortissimus hastam
Concursu celeri volitans, ceu missa sagitta,
Collaq; flectit equi spumantis, victor alacrij
Conatu insurgens : plausum dat læta iuuentus :
Tollitur ad nubes sonitus clangore tubarum
Ardens, ac animos cunctorum gaudia replent.
Ipsa suam Regina videt celeberrima Natum,

Aspi-

*Aspiciuntq; Duces Virtutem REGIS, & arma
 Digna admirantur: REGEM plebs omnis honorat:
 Pennis Fama volat niueis præclara per vrbes
 Multas. Quis tantam potis est depingere pompam?
 Ergò nouans ludos festiuos Regius Heros,
 Fulmineis splendens armis & robore clarus
 In se cunctorum vultus ac lumina vertit
 Nobilium, & populi turmas spectantis equestres.
 Mirantur Dryades REGEM, pictæq; Napææ,
 Mirantur plenum iuuenili in corpore robur,
 Atq; volubilibus patefactam motibus artem.*

*Sic Princeps nuper visus residere Camænas
 Inter honoratas, iam demùm Marte potentj
 Fortis Eques factus, fortissima pectora prodit
 Lusibus in primis, tandem vt maiora capebat
 Arma, quibus reprimat toruos, non segniter, hostes.*

*Nec malè coniuncta est rigido Sapiencia bello:
 Bellum etenim sapiens Pallas moderatur, & artes
 Aônias. Dea docta fonet (quis nescit?) amicos
 Fontis Apollinei nitidos: eadem Ægide sumta
 Terribilem sese præstat cùm postulat vsus.
 O laudandi animi REGEM, qui iungit vtrinq;
 Artem sollicito studio: nam bellica nosse
 Ritè sequi documenta iuuat, prodestq; tenere
 Artes ingenuas, monumentaq; docta virorum
 Voluere, quos ornat Phæbus, quos diua Minerva.*

E 3

Red.

DE LAVDE

Reddidit illustres facundæ munere linguæ.
Lectio librorum siquidem bona plurima præstat:
Nam quod non audent capti formidine magnis
Regibus imbelles homines exponere verbis,
Hoc equidem libri audaces & scripta diserta
Ostendunt summa cum libertate, nec vlllo
Vllius aspectu terretur littera picta
Scriptorum, quibus est cordi sapientia vera,
Curaq; magnanimos procures populosq; monendi
De rebus memorabilibus, de rebus honestis,
Nec non vtilibus regnis & Regibus ipsis.

Quid? quod & Historias veteresq; novasq; fidelij
Euoluat studio REX noster? maxima certè
Vtilitas fluit inde bonis lectoribus. an non
Nascitur ex isto prudentia digna labore
Mentibus humanis? Nec sanos arbitror istos,
Qui res maiorum gestas cognoscere nolunt
Docta disertorum spernentes scripta virorum,
Quos aut prisca ætas, aut nostrum protulit ænum.

Quantò autem meliùs legere, atq; exempla notare,
Et documenta animo miranda reponere firmo,
Vt nitidas gemmas rutilans & condimus aurum
Scriniolis loculisq; suis: nam gloria tanta
Regibus exortum REGEM decet, euehit, ornat.

O decus ò nostri laus ornatissima Regni,
O Regum lumen REX, ò mitissime Princeps,

Te

*Te reputo meritò laudandum tempore quouis,
Quolibet & populo: nam te Natura creavit
Formosum atq; bonum: Formoso in corpore Virtus
Clarior effulget, maioreq; luce notatur.*

*Magna equidem sunt hæc, sed sunt maiora canenda:
Floribus æternis nam REX decoratus amicus,
Ingenij atq; animi bona monstrat, laude perennij
Dignus: at è multis donis ego paucula dicam.*

*Regius in primis animus refouetur amore
Dogmatis ætherei: regnatq; in corde potenti
REGIS honorati, Pietasq; fidesq; probata
CHRISTO, qui nostræ fertur spes vnica vitæ.
Nixa fides CHRISTO, nutrix generosa putatur
Virtutum cunctarum animi, materq; fidelis:
Nam, si vera loquar, nitidis vt nobilis arbor
Fruëtibus excellit quibus inclyta pectora gaudent:
Sic, vbi vera fides, vera & fiducia cordis
In CHRISTVM, Dominum, Seruatorem atq; patronum
Existit, non hîc desunt nitidissima sanctæ
Lumina Virtutis. radios & sicut amænos
Exoriens Titan spargit, tenebrisq; repulsis
Eminet in Cælo puro, mortalibus ipsis
Læticiam præbens: fidei sic vina venustas
Splendida natiuæ probitatis lumina fundit,
Quæ res grata DEO est, animis & grata benignis.*

REX

DE LAVDE

REX ergò ante alios Christum colit, atq. potentem
Cunctis in rebus Dominum, Regemq. fatetur :
A quo consilium rectum datur omnibus illis,
Qui sunt Iusticiae, qui Religionis amantes.
Nam sine praesidio CHRISTI non robur & arma,
Dura valent, nec opes Mundi, nec splendor honorum.
Impietas etenim tenues vanescit in auras.

Regi igitur curae & cordi est Ecclesia CHRISTI
Sancta, virosq. fouet doctos, qui dogmata tradunt
Pura Euangelij in templis, domibusq., Scholisq. :
Inq. Academijs Doctores atq. Magistros
Insignes alit, & Regali munere ditans
Ornatos reddit : qui doctis artibus ipsi
Erudiant iuuenes, & honestis moribus auctos
Praeficiant populis de religione docendis.

Nota etiam cunctis nostri clementia REGIS
Regibus Europae colitur : nam tristis egestas
Ne premat imbelles homines, miseramq. cateruam
Subiectae plebis, fuluo non parcitur auro,
Non argento opibusve alijs : non esca negatur
Pauperibus. pleno diffundit Copia cornu
Omnia quae turbam possunt recreare iacentem.
Tanta equidem est pietas diuini Principis erga
Mortales, quos afflictos cognouerit esse
Fortunae imperio rigidae, casuq. grauatos
Fatali : quis enim felix est omnibus horis ?

Dij

*Dij siquidem nunc hos, nunc illos sede repellunt,
Nec stabile est quicquam quod continet ambitus Orbis,
Excepta pietate DEI, Legumq; vigore
Æquarum, quæ Iusticiæ sunt nobile donum.*

*Quod bonus hic noster REX ut monstraret aperto
Exemplo, in patriam transponi Danica linguam
Iura lubens fecit: quibus addidit æqua statuta
Tradita vulgari sermone, ut cognita cunctis
Illa forent populis, nec quenquam falleret error
Ignotæ legis: namq; ignorantia legum
Sæpè probos homines in magna pericula ducit.*

*REX animose vige, multosq; nitesce per annos
Integer & saluus: tu lumen amabile Regni,
CHRISTVM & iusticiam Christi, legumq; vigorem
Sanctarum colis, & populos moderamine dulci
Custodis. Te REGE nitent Pietatis honores
Virtutumq; decus cunctarum. Sceptra tuere
Regia: sublimi felix procede Corona
Quam manus artificis geminis destinxit & auro:
Sit latus Ense tuum munitum more vetusto
Regum antiquorum, quos vexit ad æthera Virtus:
Tum demùm puro rutilans tibi Sphæra metallo
Fulgeat. Ipse DEVS te miti numine seruet,
Qui Cælum, terram, mare, & omnia condidit vnus,
Quæ pelago atq; solo, vastoq; tenentur Olympo,
Vtpote perpetuus DOMINVS, Princepsq; perennis*

F


Spiri

DE LAVDE

*Spirituum ac hominum : cui sit laus omne per ævum
Dulci cum Genito, simul & cum Flamine sancto,
Vni, immortalī, trina sub imagine, REGI:
Regum & Regnorum qui tutor habetur amicus.
Tanta DE est bonitas, tanta est diuina potestas:*

*Sic ego cantavi laudes, hoc tempore, REGIS
CHRISTIANI Quarti, quo non est dignior alter
Nostro æuo, nec erit reliquis, fortassis, in annis.
Cætera maiori sunt nobis voce canenda,
Grata DEVS nostris si fecerit oia Musis,
Nec mihi fortunam meliorem fata negârint
Inuida. Sed rigidis opponere prouida Fatis
Corda decet : siquidem non est victoria maior.*

FINIS.



DE

DE SPECTACVLIS
 QVIBVSDAM EXHIBI-
 TIS IN APPARATV REGIÆ
 CORONATIONIS, ELEGIÆ
 TRES,



Autore eodem

IOANNE SADOLINO.

ELEGIA PRIMA.



EX ubi Regnorum sanctas suscepit habenas
 Decretoq; hominum praesidioq; DEL:
 Se pariter cuncti dapibusq; meroq; fouebant,
 Optantes REGI prospera quæq; nouo.

Lux ea colloquijs abiit, fidiumq; canoro

Concentu, & Thymeles dulcibus harmonijs.

Exortis autem tenebris, & vespere facto,

Obscuræ noctis quandò agerentur equj:

Aëris in tractum flammantia spectra volabant,

Artificum doctæ quæ genuere manus.

Ignes ardentes structi euomere dracones,

Qui rupti parua dissiliere mora

Materies isthæc perijt, fumumq; relictum

Lenis discussit ventus, & aura leuis.

Talia plebeia data sunt spectacula turbæ:

Spectabant docti sidera clara virj.

F 2

Nescio

ELEGIA

Nescio quam flammam, monstravit Mænalis vrsa,
 Siue ea stella fuit, siue Cometa fuit.
 Quicquid erat, paucas post noctes desijt esse:
 Nec porro est oculis lux ea visa meis.
 Summe DEVS (dixi) REGEM Regnumq; tuere:
 Pestem, bella, famem, cunctaq; pelle mala.
 Seditio cedat, vigeat Concordia leta:
 Cordibus in cunctis sit Pietatis amor.
 Vos autem florete Duces, florete ministri:
 Floreat Aonijs turba nouena Chori.
 Vnanimi voto dulces viuamus amicj,
 Et commendemus fata seuera DEO.
 Nunc dulcis veniat somnus: decedite curæ:
 Nam requiem gratam corpora fessa volunt.

ELEGIA SECVNDA

Ela age: nox abiit: studium repetamus amicum:
 Quid rerum geritur, dic mihi Calliope.
 Solè micante color cùm rebus redditus esset,
 Ludicra Regales signa dedere tubæ.
 Accincti Heroës cætum glomerantur in vnum,
 Præclarorum equitum concomitante manu.
 Se generosi homines vertunt in mille figuras:
 Arte sua Proteus quilibet esse studet.
 Nunc ferro armati certamina ludicra tentant:
 Et velut in pugnam, non sine laude, ruunt.

Hinc

*Hinc Equites longis concurrunt fortiter hastis :
 laeta volant medio frustula fracta foro :
 Hastas infregit non paucas Regius Heros,
 Fortibus occurrens fortior ipse viris.
 Nunc iterum pictis equitantes vestibus, hasta
 Exceptum Cyclum posse tenere parant.
 Quidam se simulant ornatu & veste Polonos,
 Se Turcas alij, pennigerosq; Getas.
 Sunt quoq; qui pansis alis volitare videntur,
 Altum sectantes Bellerophontis iter.
 Et veteres Romæ dominos spectare licebit :
 Personis fictis gratia tanta nitet.
 Pontificem Latium nostra quoq; vidimus vrbe,
 Et Monachos crassos, Cardineosq; Patres.
 Dulcia festiuo fluxerunt gaudia risu :
 Detenta est multis vrbs populosa iocis.
 Singula quis pandet ? quædam tamen edere fas est :
 Ante oculos isthæc nam stat Imago meos.
 Auro Dalmatico, preciosis deniq; gemmis,
 Fulgent Heroës magnanimiq; Duces.
 Argentis ornatos, & plumis, cerno caballos :
 Cerno equites Latijs regibus arte pares.
 Sistra sonant, resonantq; tubæ, dant tympana pulsa,
 Multiplicem strepitum, mirificosq; modos.
 Insequitur Phæbus rutilans, & lucida Phæbe,
 Et Musæ, & Charites, cordeq; letus HONOR.*


F 3,

Mox

ELEGIAE

Mox vehitur grandi, ridenda Superbia, plaustro,
 Cinctaq; vipereis anguibus Inuidia.
 Ira, furor, cædes, curru dominantur eodem,
 Et magnum tumidi ventris Iacchus onus.
 Mons erat in medio, tenuit quem fulgida Virtus,
 Quæ niueo æternas pectore promisit opes.
 Vno quis plaustro tot Phasmata posse teneri,
 Crederet, & montis pondera tanta vehi?
 Radicem ad montis Vitiorum est visa caterua:
 In summo Virtus vertice montis erat.
 Istud post plastrum Venus iuit, Amorq; pusillus
 Excutiens arcu feruida tela suo.
 Iuit & Idaliæ Diuæ deuincta propago,
 Atq; Epicurei grande catharma gregis.
 Ludos exhibuit diuersos Comica Musa:
 Tam celebris tota plausus in vrbe fuit.
 Omnia quis referat passim spectacula visa,
 Hafnia vicino quâ nitet ampla freto?
 Sed tamen hæc prodest è multis pauca notasse:
 Nam locus & tempus pandere cuncta vetat.

ELEGIA TERTIA.

 Ltera iam redeunt spectacula: noscite Cives,
 Quanta noui REGIS gloria, quantus honos.
 Ex varijs Regnis, varijs ex Urbibus adsunt
 Legati, Proceres, conspicuiq; Duces.

Ordine

Ordine procedunt Equites prædiuite cultu
 Conspicui: Soles hæc radiare putes.
 Tales ornatus nostro non vidimus ævo,
 Nec visos priscis patribus esse reor,
 Quæ vis armorum? quæ copia pulcra virorum?
 Quam dant harmoniam tympana, sistra, tubæ?
 Arte sua tantam qui nôrit pingere pompam,
 Hic animo & digitis ingeniosus erit.
 Vatribus antiquis doctus laudatur Apelles:
 Exprimeret facile non tamen istud opus.
 Exprimeret forsân partem vnam: singula membra
 Totius historie non tamen ille daret.
 Curribus inuecti factis venêre Sabæi,
 Atq. aliter factis curribus Æthiopes.
 Thure, auro, myrrha plenissima vasa dabantur:
 Præbebat radios aurea Stella suos.
 Mons Veneris visus miranda mole moueri:
 Intus erant Nymphæ, Musica, Cypris, Amor.
 Iuerunt mediam Naues & vela per urbem:
 Monstrasti siccos, Ennosigæe, pedes.
 O quanto ingenio in uenum pomposa corona
 Ludos fingeat, ridiculosq. iocos.
 Plaustra trahebantur niueis sublimia Cygnis:
 Inuectæ Nymphæ cantica læta dabant.
 Ornati circâ Procures, Equitesq. nitebant:
 Exhibuit varios vrbs populoſa Choros.

Pluri.


ELEGIAE

Plurima præterea generosi in Regis honorem
 Admirabilibus facta fuere modis.
 Quæ nunc prætereo prudens, ea singula pandam,
 Otia si studijs REX dabit ipse meis.
 Tunc & plura, DEI bonitate, Poëmata promam,
 Quæ nunc in tenebris puluerulenta iacent.
 Iam diadema tibi qui dat, sceptrumq; decorum,
 Et gladium, & Regnum, REX animose, DEVS
 Idem te faciat multos florere per annos,
 Aeterno vt CHRISTI numine tutus agas.
 Vera sacer carpat, sancto te REGE, Senatus
 Gaudia, gensq; potens, Pieridumq; Chorus.
 Regibus exemplo sis cunctis: & tua facta
 Ventura semen posteritatis amet.
 Quæ tibi iungetur thalamo Regina beato,
 Hanc dignè ornabunt Iuno, Minerua, Venus.
 Sic tua Maiestas pleno Virtutis honore
 Fulgida complebit Solis vtrang; domum.
 Vatribus Ebraeis cantaberis, atq; Latinis:
 Nomen & extollet Græca Thalia tuum.
 Ingenij si quid mihi dat Natura, DEVSQ; VE,
 O REX, te promptus voce sonabo mea.
 Me tua duntaxat commendet Regia Virtus:
 Nempe tuo Imperio subdita Musa mea est.

AD

AD DEVM OPT: MAX: VOTVM
ex Psalmo Davidis XX. Pro felici inclyti
Regis & bonorum Principum successu
& gubernatione.

* *


 Ollicitæ quandò tua cingent pectora curæ,
Ac dura Sors cum te premet:
Aure tuam vocem facili DEVS hauariat, oro:
Et te sua tegat manu.
Numine qui celso regit astra, solumq; fretumq;
Opem tibi ferat suam:
Præsidiumq; lubens præstet de monte Sione,
Promatq; digna munera.
Suscipiat promptus tua dona: nec improbet abs te
Aris locatam victimam.
Det tibi quod gratum est: tribuat quodcunq; requiris:
Et cepta fortunet tua.
Te florente statu recto, gaudebimus omnes:
DEOQUE agemus gratias.
Irrita non fient tua candida vota, nec vnquam
Vanæ preces erunt tuæ.
Mens etenim manifesta DEI: nam blandus adesse
Hic Regibus solet pijs.
Aures hic adhibet clamantibus: atq; rogantes
Sua iuuat potentia.
Curribus insurgunt isti, rapidisq; caballis:
Nos nitimur summo DEO.

G


In

In Barathrum vastum feruens furor incitat istos:
 En, REGE nos stamus DEO.
 Ergò DEVS, nostrum deinceps defendito REGEM:
 Eiusq; conatum inuictum.
 REX verò adiutus, Dominum veneretur Olympj:
 Suosq; curet subditos.

AD CANDIDVM
 Lectorem.

 I mea non cunctj collaudant carmina cives,
 Cor minimè crucio, lector amice, meum.
 Sufficit à paucis doctisq; bonisq; probarj:
 Omnibus ex aequo non placet ipse DEVS.
 Optimus est equidem thesaurus, fidus amicus:
 Fida sed haud passim crescit amicitia
 Non tamen interea Virtus occumbere debet,
 Sive ferenda famas, sive ferenda sitis.
 Si mihi mille forent, uno sub REGE, Patronj:
 Primus in hoc numero FRISIUS ipse foret.
 REX vnus, sapiens, clemens: Patronus & vnus,
 Integer & constans, Numinis instar erunt.
 Nec reliquos idèò spernendos duco Potentes:
 Nam suus est cuiusvis attribuendus honor.

FINIS CARMINVM
 Ioannis Sadolini.



AD

AD ILLVSTRISSIMVM
POTENTISSIMVMQVE DANIAE,
NORVEGIAE ET SEPTENTRIONIS
REGEM: D. CHRISTIANVM
QVARTVM;

¶

Elegia gratulatoria

THEOPHILI SADOLINI.

Magnanimos inter Reges, REX optime, salve,
Nomina qui Christo sceptraq; dante geris.
Quamvis attrita, veniens mea Musa, lacerna
Regia non solito limina more petit:

Attamen assueto candore notabilis, ipsam

Respice, ne flexo poplite, mæsta cadat.

Argutis placido Nymphis devinctus amore,

Non sacra Musarum despicienda putas.

Quare Piëriæ, fantor generose, catervæ

Carmina Phæbeæ, suscipe panca, Chelys.

Ingenij fateor, parva est fiducia, nostri,

Exilis nostræ est arsq; vigorq; lyræ:

Sed timida menti, placidi clementia REGIS

Depellendo metum, robora restituit.

Qui fers, dante DEO, iucundum & amabile nomen,

Manfueti pandis pectoris iudicium

Felicis decorant Abav; te nomina pulcra,

Te decorant sancti nomen & omen Avj:

G 2

Immò

ELEGIA

Immò te decorant sanctissima nomina CHRISTI,
 Cujus inexhausto munere, cuncta fluunt
 Hujus ab auspicio, REX ò, tua gloria crescat,
 Ut teneas forti, sceptrum decora, manu.
 Majestas vigeat tua latè: hanc secula cuncta
 Mirentur, donec vespèr & ortus erunt.
 Luce tuæ latum Virtutis adimpleat Orbem
 Iusticia, & sanctæ Religionis amor.
 Quid memorem nitidæ doctrinæ grandia dona,
 Egredià cuius dexteritate vales?
 Rarum quippè bonum, sed tanto Principe dignum,
 Artibus instructum pectus habere bonis.
 En, post fata manet Virtus, Virtutis & acta:
 Res autem vanas excutit una dies.
 Solers, qui Clarias animo complecteris artes,
 Et sacra Castali Numina fontis amas:
 Ter meritò felix, ò REX censebere; Virtus
 Quem decorat veris, pulcra potensq, bonis.
 Divitias veras tribuit Sapientia: dives
 Quem juvat & Pietas & veneranda fides
 Pectoris jccircò niuej paradigmata monstras,
 Mensq, tua est dignis officiosa viris.
 Felix est populus: sunt subdita Regna beata,
 Sub talj, quibus est, Rege, vigere datum.
 Grata dies hæc est, voto exoptata frequentj,
 Quâ sedem scandit Filius ipse Patris.

Majo=

Majorum sequeris celsas, REX magne, tuorum
Virtutes, animi, signa probanda, bonj.
Augustas patrij Regni moderaris habenas,
Recto Consilio, Iudicioq. pio.
Sectando sancti vestigia sancta Parentis,
Illustras solium prouidus usque tuum.
Afflictos blandis clemens amplecteris ulnis:
Tristibus & miseris, mitis adesse soles.
Infestant siquidem rerum discrimina multos,
Ceu vita est varijs nostra referta malis.
Nunc ridet blando fortuna optabilis ore:
Nunc alio rursus tempore, torva venit.
Sed felix quem non premit indignatio Fatj:
Ecquis erit, cui non Sors inimica fuit?
Non ita deposito letatur Nauta dolore,
Naufragij diras cum superarit aquas;
Quam nec opinato, qui magna pericula vitat,
Quem premit aspectu Sors violenta gravi.
Exemptus siquidem curis, luctuq. molesto,
Insperata sibi gaudia leta capit.
Cum furor & rapidi maris inclementia cessat,
Optatus portus, lenis & aura placet:
Sic mæstos mitis relevas; vultuq. sereno
Aspicias; auxilio, consilioq. foves.
Ergo te floret Respublica REGE: clientes
Legibus exultant, imperioq. tuo.

G 3

Gratus

ELEGIA GRATV:

*Gratus es Ordinibus cunctis: Nam diligis omnes,
Qui Patrie amplificanti commoda grata sue.
Phœbeios decoras vates: te Principe multum
Letatur Musis, turba dicata, sacris..
Et tua Majestas Sadolinum clara Poëtam
(Qui meus est genitor) condecorare solet:
Alloquijs ipsum letis, donisq; per amplis
Sæpius exornas; munificusq; juvas.
Quocirca REGEM meritis extollit & ornat
Laudibus: & Patriam concelebrare studet.
Hoc meritò facerent omnes, quibus aurea Pallas
Est còrdj; quibus & bella Thalia placet.
Regia laurigeras commendat gratia Musas:
Musica Regali turba favore viget.
REGIS magnanimi cantant præconia Musæ:
Musarum studijs Regia fama nitet.
Æthere dùm volucres gaudent, & in æquore pisces:
Donec in Hyblæo monte foventur apes:
Laus tua semper erit fulgens, clarissime Regum:
Nec decus evertet vis violenta tuum.
Me tua Majestas amet imperiosa, meosq;
Florida placato stent tua Regna DEO.*



H A F N I Æ
Impressit Laurentius
Benedictus:

AUXILIANTE
DEO.

A N N O

M. D. XCVII.
Mense Aprilj.



